



雷音

大雷池長滇西師範采輯

沈

鎬 字新周號大圃康熙己丑科進士官四川屏山縣知縣

殘冬三十四韻

敝緼禦窮冬儒冠誤老農水心空寂靜雪鬢早鬢鬆出戶
尋幽境登山問好峯推移不轉石摩弄後凋松蘿薜低牽
面荆榛高塞胸葉乾難作字藤怪中爲筇何處動簫管依
稀聞鼓鐘牢牢深巷狗坦坦隔離春野客談今古邨醪競
淡濃庭虛人悄悄室暗語喁喁挨背爭延竚循牆思致恭

竊觀鄉長者疑是漢中庸去去謝卿意行行歛我踪盤岡
八九里過水兩三重比屋多塵甑萬家誰素封危梁觀敝
筍絕徑戲翻置蟄蟻久坯尸文禽欣在淥下鉤驚化鯉舉
網得癡鱗那辱賓朋伴惟携孫子從童頑笑啣啣驢瘦走
邁邁十畝未堪飽一經還可攻拱桐看鬱鬱拳鳥想雝雝
牒散紛前緒門單記小宗風蕭蕭以厲雲慘慘而彤曲折
羊腸路崎嶇牛脚蹤仰高搖落朴伐遠取方盞散拾楓房
蝟長牽蓼節龍茅簷天矮矮土窟火炆炆踞堯凭橫几添
薪脫短鋌華燈垂苦練葦壁叫寒蛩啜茗饒清况披幃解
倦容欠伸筋緩弱曖曖眼蒙茸數數烹魚吏區區賣菜傭
年衰渾忘却夢醒說竒逢

樂府

栖栖復淒淒堆積土和泥客從東南來邀我泛山溪船頭
載美酒船尾炊行炷中艙盛穀核頓置方員棹飲以燒書
盞酌以長柄蠶我歌君且謠擊鼓和以輦劇談雜今古狂
言指東西我曾東到海我曾西逾氏覲面大雪山高與浮
雲齊蓬萊在何許宿春良可齋怪蜃爲我作越烏爲我啼
頗僻窮子命所至成町畦或怪淡如水或憎酸如醯訶警

父兮復母兮有瓶之罄穀實不如黃色饑以無術傲榮其
何梯俯視蟻徙宅仰瞻星聚奎空桑出寒火蠅子化狡猊
浮生天際馬老死甕中雞莫訝龍淵物毋然牛渚犀我思
在野鹿躑躅顧其麇戰兢懼爲累而敢或昏睢縱前途之
似錦奈斜日之已低南枝無穩巢北風空長嘶維風及頽
想提携不占恒咸占解睽三尺五尺達我啼所嗟不免彼
桑翳應門曾無一介奚襁褓負薪傷我脆岐路又岐亡羊
迷小風大搖棠與移達人于庭脫于陞寒蟬久噤任啞詆
亦忘何年之及筭幾年相呼爲阿嬈試研松烟草赫幌北

山移文孔稚珪起衰八代韓昌黎篤慎不忤金日磾刮眼
那討黃金鑱安得尺棗與尺梨仙方仙藥恐無稽不如食
粥啖我齋

漫興

多年蠹簡滋無用者回咀嚼錢神頌青蚨赤仄黃金登親
兄老子爭相奉舉狐袍桂皂貂帽綾襪緞鞞皆選料渾身
羸遇中人產裝成顧影喟然笑恭逢嘉會例如此如此合
例良難矣况復驅車躍馬行行登山又涉水飢飡渴飲
徵囊底抵署定知囊如洗如洗還逢洗我人人人責我以

知禮拳鞞蹠未爲禮禮有禮中之所以所以不然然不
然誰謂茶苦甘如薺甘甘苦苦空盤桓士生難道定爲官
得爲爲之結二舖不得爲時指一彈茫茫仕路洋洋海風
風雨雨從而始曾未登航問泊舟平安島嶼知何在爲民
父母矢爲真職在生民忍浚民我情取與民相見我民期
與我還醇千仞壁立寧爲矯一官如寄豈憂貧膏禾澤黍
吾本分鋤稂剪莠何瞻狗手書口答視還聽夙寤晨興性
所馴菜根齧出味中味做縕浣將新日新慨當以慷心同
口如所否者天鑿人我友謂我言無劇言丈不如行一尺
然如擲道傍石

憶大兒

請君看我出頭地努力直前橫負軛請君看我息肩時擎
然如擲道傍石

囑二兒

二兒頗亦比常人我析薪兮爾負薪但願炊煙常舉動莫
教書種便沉淪蟲侵鼠齧文千首地遠山深登一巡只此

兩端兒子事其餘長短付蒼昊

檀

萃

字豈田號默齋乾隆辛巳科進士官雲南祿勸縣知縣先生宏覽博物罷令後居滇十餘年

從游者甚眾且多知名士編纂著述之富人竊比之楊用修朱鬱儀已未歸里楚撫留掌晴川書院辛酉至金陵欲刊所著書未卒業遽没于旅邸壽七十七予挽之云寶契已潛先生休矣元言莫賞知我誰哉

嗟哉行

嗟哉我生何所窮默存屈指推鴻蒙此小千界中分一界
一鳥一兔跳西東二十八天上至頂幾梯幾尺階層空須
彌山土堆一撮下遶四大洲馮隆齊州列閭浮提內比似
塵點微濛濛剖塵立國都邑里算數譬喻更難終局促青

琉璃殼下醯雞天甕將無同此外九百九十九各飛烏兔
誇昭融中千界又千其數百萬烏兔光熊熊何況三千大
千界亂滾烏兔隨長風難使隸首操算數幾蹄幾翼徒朦
朧嗟哉我生不自識久巢蚊睫成么蟲忽聞世界大如此
何由排盪搜宏通昨夢到大千界上俯看浩渺開寒瞳四
下烏兔亂拋織如傾百斛螢撞衝須彌纍纍插海出泡聯
漚逐牽封戌希有鳥如雀甫殼紛紛迢迢憐嬌慵何況鯨
鵬細瑣碎窮睇極視亡形容却笑修羅聞天釋猶如蠻觸
遙相攻八萬四千由旬坐可憐低塌鋪牆墉十方國土開

法會海潮音細如秋蛩嗟哉世界隨眼界能見其大開心
胸心有天游天在眼界天天何疊重夢眼最明醒眼暗
能保渾沌方玲瓏可憐時世拘墟極大癡小黠譏予訂誰
知此義不在遠心遊神遊自能逢叅寥疑始那解說聞自
吾家老儒童

擬古二十首

夜半臨高臺窅然天地空玉兔俄西沉金烏未東種衆星
爆豆出倒釘青盤中俯視無一物縱眼凌鴻濛海上翥雄
雞叫出光曠曠萬象隱森沉微微露顏容一落塵埃間嘅

歎何所窮

又

菡萏生岸側未有蓮子期佳人援纖手採折斷其絲本不
求適口但愛新容儀取捨誠如此湖目爲之悲縮脰菰蘆
中苦心將訴誰

蓮日湖目

又

南國有奇樹高材宜棟梁主人惜枝葉不忍斯斧斨雖蒙
長養惠毋乃沒其長膏流節易斷摧折嚴風霜何如離根
土得升君子堂苟能盡所用終勝老山岡

又

灼灼桃李花習習早風吹輝輝八茵席渺渺歸塗泥相望
不相見寧記舊同枝茵席空依附終遭團扇揮塗泥誠汗
賤黍稷藉其滋貴賤亦何殊君子審所宜

又

鯤魚亦何怒化去高雲翔迴頭望斗北大海凝清光六月
息何時天池路空長歛翮仍歸來棲止無其方舊侶見之
驚窟宅深逃藏側身鱗羽間飛泳兩相妨雖負垂天翼亦
復可憐傷

又

繕性從俗學頭眼時昏沉中庭吐明月孤坐揮清音門外
宵馳子願來其開襟漸愧無所謝引手椎瑤琴本不諳絲
桐安能附知音

又

高原延蕩曠四顧窮夔遠邑里綿長郊樹木點遙巘後者
來漸多古人去不返逝輪無數頽揮戈孰能挽采蘋時遍
洲菰蘭屢滿畹馨香非不存時日亦已晚前猛空悠悠往
甯抱婉婉終日守邱樊何以慰繾綣

東隣何窈窕早歲徵香蘭反馬同雙雙緩步遲珊珊腰壓
 珍珠被髻垂鳳紋冠裙襦裁綺羅釵釧雕琅玕輝光照道
 路靚炫充門闌居人傾堵望行者捋髭看花為生彩色水
 為湧文湍老少各奔波嘖嘖齊長嘆西家同伴女採桑入
 屈蟠本為素識面望望掩輕紈自顧身藍縷羞來挽金鞍
 顏面殊相似邂逅何其難

又

蒼茫臨大海蓬萊望何遙我欲從之遊辛苦凌風濤豈不

畏其險道心久堅牢行行將欲近水中鬱岵嶢黃金銀宮
 闕俯視窮纖毫老仙託塵俗扞扞呼靈鰲颶風簸天地危
 流不可篙回船坐太息顧望心煩勞吁嗟彼飛走猶得自
 光昭騰身有定分豈必仙才高不見淮南犬亦向雲中遨
 又

中宵起巨念將作遠行遊詰朝戒徒旅親朋來道周咨嗟
 征子瘁攜榼酣同酬長揖揮鞭去轡繞青絲柔我馬蕭蕭
 鳴躑躅登高邱陰雲冪廣野四望生煩憂出門不識路何
 處堪營求歸來掩關坐心口自相謀人生愛安穩畏途多

阻修遠行雖云樂還如在家否

又

屋角夜鳴鳩心驚採芳遲百里馳遙江秉燭塞蘭芝馨香
滿懷抱脉脉矜容儀歸來傾滿盤雲氣光陸離所居不近
市誰當女知之殷勤持出門將以遺所私行行增忸怩造
屏拙言詞自銜術不工往返空爾爲捐芝委諸地低首坐
尋思

又

舉舉東方生遠遊扶桑外偷過吉雲田竊馬清津瀨直騎

上殿庭詆欺真無賴據坐談神仙言詞吐滂沛曾無封禪
書全名何狡獪視彼局促者秋風掃蕭艾

又

空山瘦道士槁心慕元虛愛喫神仙苦日求造元都懷丹
謁天人奔走何其愚卓哉白石生本自中黃徒聞達非所
願不肯趨雲居豈戀人間樂于求虞玷汙

又

仙人遺我丹發匣光輝赫外滾朱砂衣內煉黃金魄見此
驚移時服之過誰肯差足蠲煩苛未能生羽翼瞳子不易

書言
卷五
綠心本已全赤雲鶴消息遲念茲自憐惜

又

美酒不易飲統素不易謀仰視華髮巔白日忽西流富貴
與神仙蹉跎兩難求古今豪傑士慷慨生煩惱董子悲感
遇王郎傷旅遊不知千載下狐貉同一邱何如守拙賤委
心任去留

又

千金買寶劍百金買駿蹄問君何所適重載兼輕賫燕趙
多佳人庶往結心知行行至黃河濁浪與天齊風波不可

涉回首情淒而奔馬不復乘解劍不復攜哀哉兩決絕此
情當告誰

又

娟娟簾前月照我羅衣裳虛帷不能寐良人在遠方遠方
有新知古懽或相忘但得新知好妾願守空房仰首托飛
鴻寸心遠寄將不怨君薄倖止是自憐傷

又

秋堂將去燕飛過屋東隅五里一返顧十里一踟躕踟躕
亦何爲念我主人廬數月巢君處曾託輕賤軀不忍便與

離殷殷寄道塗明歲相將來言尋君舊居豈無他華屋始
終貴不渝物情固有然君子終何如

又

夜鴻自南來銜蘆凌沆瀣中途遇黃鵠相邀何慷慨負其
稻梁肥鄙哉陋軀愛今君飛冥濛誰與充鼎鼐默默掉其
頭翬翬離紫塞往來各有志何爲相絀礙

又

少小負壯氣竊欲看奇書南行搜酉穴忽披金薤圖字皆
成碧玉點皆滴青珠讀之舌橋然慚愧非所如持訪鬼谷

子虛心求注疏千里越關河繭足臻林墟林中闕無人彷彿焉託居懷書坐石上俟之三載餘斯人不可見含涕歸

吾廬

天風

天風慘冽吹江湖雲濕水墨陰幽虛大氣崩空心膽落訛
言一夜驚鄉間是時子月望加二冒寒曉起冰凝鬚疎林
葉脫屋露瓦東方閣晦藏金烏平蕪急叫雁百萬殷動天
地盤蔣菰耳錐日刺膚起粟神賜鬼噤顏生朱狻狻獬獬
詫荒幻鹿臺跳下鳥俟趨母從子走婦隨夫城空坊巷村

空廬帕勒眉齊裙結衽竹扶手織鞋脫絢挈囊負襁挾稚
弱擺柳踏莎行次且縣官攔路高招呼訛言誑煽加嚴誅
唐虞盛世安有此爾之前往胡爲乎縣官呼走不止日暮
還其里誇智誚愚互相詆今日先行不如爾

土粉行

箕星唾舌搖天河荒荒焰口光嵯峨畢逋城頭烏尾訛曉
來新氣生厨鍋一夜南山土粉出傾里空巷忙娑婆傳云
大士憐兒女念彼心經波羅多百鬼號哭天雨粟化爲蘇
壤藏岩阿千年萬載不敢發今朝始命甦癰痲男詫女斬

誇不止融澤膏梁玉山禾東粜稚子聞跳往肩回數升黃
覆籬飄然措大窮吟哦十年拘迂學究科播穀奏食我能
解出理境外寧非譌先生知一不知他野人與塊公子訶
祇有阿舅老解事稽首載車驅馬驟與其一蛇剗臙脰何
如五鹿吞陂陀不見燭陰之西民不辨翁婆穴居蚓餐飽
腹皤無脊有心終老壽土羹塵飯聊蹉跎曝曬春掄澆水
按熱洛河成好波波互糝柏屑將飴澤登盤落涎高畢羅
充塞飢腸生魄磊十啜九病腹難摩渠家受譴犯齋禁非
關此物生煩苛坐談立語增怪妄某村人舖佳顏醜惜哉

俗態好蒙蔽背愚安惑交訛詫平日檢繫憎糝糗拌棄塗
泥理則那昨者有秋非禮膏牽隣騰踴羣相囹箠私困匿
詐無有一時驚惶手空搓桀黠扇虛故愚弄大道焉得無
偏頗畫地作餅豈能食竟載史志誰刮磨重性臆繆歷今
古三嘆其如土粉何我欲醒迷歌此謔量裁省穡藉易過
晚窻彌望麥青坡東方皓皓散瓊娥

掛車嶺

國志作
掛車石

老鶴嶺斗絕細徑織險窄徒旅盤勃宰緣壁走蜥蜴亦似
畫累人後頂摩前蹠掛車陟雲磴階級泐危石計步不盈

跬去天僅餘尺我行初破臘雪術滑慄魄陟原恐顛墜舒
雁徐斂翮况茲危峻倍膝髻骨酸瘠今喜得晴日郡界見
分劃去家猶七舍已如看几席歸氣不可遏積岨盡豁闢
走皖聞兩道夾石同險阨鄱陽剪髮後嘉興進竒畫萬兵
柴其路曹休可坐獲兩道吾盡歷大關尙平陌茲嶺真天
險萬夫阻一戟時平由庚啟往來何絡繹山行不厭山足
繭目有益

烏夜啼

丁亥客銅陵

烏夜啼不啼喜真啼危三年哺子秦氏屋有危啼與丈人

知丈人愛屋不憎鳥憎鳥啼起旁人疑旁人眼明較鳥早
鳥啼不啼不關茲丈人憎啼不止可憐秦家遊蕩子休使
唯陽蘇合巧彈丸惜我高飛猶顧爾

空倉雀行

館於空倉
作此行

空倉雀常苦飢主人不知啁啾欲訴夫奚為往者之倉我
粟我糧舊雀飽啄擇精檢繫滿嗉跳躍雀之樂雀之樂雀
之哀哀我新雀來敗版穿壁不堪棲朝等至炅磚隙殘粒
腐焦黑嘖嘖相呼食餓鼠狙伺暗生賊語唧毋我戕以飢
療飢計非長帖蠶無賴向空飛蜻蜓接帖蠶前日江大水

悔不入為蛤猶得沃泥滓又恐捕蛤者多一飽未遂攫其
羅尚依空倉空倉雀常苦飢主人非不知我飢爾飢肥爾
肥欲畱爾畱歸爾歸我雀無所為空倉不賴之或赤或白
有其儕銜圖均爵光輝來當時噤口俄而開高飛銜女出
蒿萊明功暗功有當皆但畱我雀飛飛在檐箔人不知倉
內空亦與主人飾廣博

石鼓歌

已丑冬同會稽王五越奎遊國子
監見此鼓因為之歌以示黃牧原

嗣王大蒐命六師猷作邃

古原

作導

古道

塗嗣

古治

除帥

叙古隄古卮古十字

里為柞械檝櫂斧以斯沃若其粍所旂夔

吳古虞字人慈致申祝詞載東載西一面劔勿奄同掩勿伏三

驅宜避古我字其鬪鬪古哇字天永期爰簡車馬雷轟馳驕驕

督若分葳蕤六事之人武力隨既好既駐音阜員同旂游岐

張爾酋弓即度弓田曰時虍鹿速速疾行貌行趨趨丑亦反趨

趨音憲獨趨趨走意來夔夔音辭射其獮奴獨也蜀也髡穿錐天子

親田下大綏率勅鑿同條勒光中達播播驥驥躋躋危秀同綉

弓時射麗麋龜遂旆獸趨趨同奔臭古考反奮鬚眾庶趨趨

走也同驟前擒之田畢數獲真真同填兮徒駈同駟宣同宣搏廓同廓

有儀弓碩矢翼即鏃也馬寫遲起起族族聯魚麗獸猶狩也鹿

迎猶徇也禽如虎豹避鹿从異羣驚疑張旃賞獲陳水嬉淫

汗漣即漣字汚丞同丞沂沂如繫助語瀉瀉作漫瀉水趨趨瀟鬚鬚

驟驟音洛皐皐音綽驚羆雁帛魚黃鯁同鯁鮓鮓同鮓彌囊

鯁貫鯉楊柳披盜同菹鮮胡音汁庶充庖錡大小俱來酌樽

犧來樂天子咸愉怡是時霑雨盈淇滋從澗而下循厓隄

維舟曰術古道字陰陽畸極同楫深曰淺敵吏釐班遘同休士

收蒞麾駮駮駮左驂追避其用衛無偏頗喜樹剗里端

靡歆公謂天子永寧茲害不余及升平基日維丙申穀當

知嗟女籀哉史為司鳳臺老石雕鈿椎闕逢昭陽次第推

居岐之陽俯屣屣光如十日洗新曦秦人但獵野雞雌夜
半聲殷陳寶祠聖狂仁暴天淵差柰何被彼斤權欺六代
安知銘鼎羹異論同聲含嚙咿後人好古如好螭瞥見真
龍神已癡讐死稍蘇工詆訾一爲成宜一羸姬宋懦膽怯
舌如箕填金宵慙負舟移珍愛奪歸強戶楣隔牆覩轡生
瑕疵伊昔釋褐叅名碑采薪未獲登堦墀今年親入廟唐
堦九天元精光下垂列坐聖門短而鰲東西各五星離離
厥崇三尺無尊卑面徑尺餘平可鑄依然渾沌未曾虧穹
者三之一盈規瑕積爾腹鏡歌詩久聞秦氓善春粢鑿面

剜腸不損肌四十二字輝金芝餘鼓蒼然太古姿羲收娥
沒難蒐鼈存者碧樹殘柯枝口鉗肚畫徒嗟咨古人書腹
誠良思面縱曰凹畱凝脂方寸刻劃清須糜儻令書面缺
何辭再四摩挲偕等夷眈目托頰牛回齡歸來繙書補亡
遺約畧成文語調願持視吾子誇恢奇昨乘奎壁攜陬維

峒嶼碑歌

時在丁芷谿給事家
見此本因爲之歌

老蛟叩尾搖虛空魚頭戢戢隨濤風西羌神人出石紐承
帝令襲騎飛龍經過巫山逢帝女陰官兼役庚狂童八極
茫茫一氣滾透出五朶青芙蓉向南一莖卓炎徼壓鎮百

怪居離宮雕鐫造化磨青碧靈文秘簡開鴻濛七十二字
太古篆字字變化無雷同乾端坤倪乍闔闢對之舌橋胎
寒曠韓子千搜萬索倦咨嗟薤葉披肥穠恰似扣盤談日
月何曾一見真形容咄哉後人強解事妄推偏旁考鳥蟲
暗歇遲眠成何語欲鑿纖管窺昭融捫壁紛紛矜荆獲叅
同駭異窮秋冬識洪荒漾余乃穉彷彿廬山紫霄峯我疑
此文瑤姬投紫庭拜受亮天工天帝圭疇因疊錫赤文綠
字揚青紅當日史官盡賢聖不敢傀異訛民聰精微數語
約畧盡彛倫攸敘告成功別疏神姦存奧牒岳瀆山海遺

經重寶文不可以書見安山刻石層雲封天符陋將人語
釋得毋見哂祝融翁聖人精神滿天地未可形象求初終
鄙儒小拘多議論疑虛執有何愚蒙九鼎沉泗不復出洞
庭有穴誰能窮山中老樵太饒舌指點若士登馮隆夔門
墨本化烏有靈光一見旋朦朧長沙太守好奇古精誠到
處風雲通直躡重巖蒐舊跡青天送出枯榛叢阿誰塗抹
歷廿紙黑折太陰交白虹持挂君家雪色壁盡捲瀟湘入
簾櫳七十二峯嶻相望一一騰擲堆堂中叅謁靈飛羣拱
伏屹然不動真尊崇却笑他家生擬議搖頭作歌破癡聾

尚聞錢塘羅刹石下有水府藏幽踪金匱玉符不可見至
今猶沉海雲東

青浪灘

五溪溪道惡艱險自茲始巖石劔垂空灘石劔立水牽纜
劇虎牙側舟轉鰐齒砢聲吼薄雷獷眼怒裂眦没人日習
操危地密騁技巧力工迎距咫尺得生死俄穿地穴出仰
面天光喜歌嘯輕波瀾篙工楫自理謂官無變色前險百
倍此萬里走升斗高堂計道里九折念王陽行殆恐未已
何日蚤歸來斑衣上階祀

猛虎行

青谿作

虎年六月二十二忽傳南山猛虎來三虎從容渡河去惡
潭助怒聲誼厯一虎彊梁獨跳陸穿城入市驚橫目後有
小虎尾之行亦假餘威矜瓜足牧出令奔播大鼓怕煞聞
閭小兒女嗟爾得非封使君生不治民死食民可憐斗米
錢千百小民殪死空皮筋虎亦無心來噬女嗟汝悼慌真
自取哀哉虎去皤其腹但聽窮簷寡婦哭

陳守踞縣差過
猶不去先生笑

題黃西樵師棧相馬圖

西樵薊薊之尊人也憐薊
薊甚不使離左右故諷之

天行如龍地行馬我聞天馬從天下古來相馬皆天人功
移造化調蒼辰馬師皇本帝師者龍馬賴爾調其真君本
金華參龍客却向襄城窺聖迹日車童子笑相迎萬匹桃
花滿阡陌馬官廝養森森排齊毛齊足天閑才神物不以
知希貴一時盡出渥洼來天機恍惚風雲起牝牡驪黃迷
尺咫却笑拘迂老伏波依倚鞞中白口齒公子意氣尤雄
豪籥雲蹴踏青天高萬人懼呼騎龍子膺肘幹背皆回毛
神駿相隨真足羨江夏無雙聲譽遍雄才早賦九宮詞天
子正開安福殿披圖謾謾生英風題罷回頭語阿戎好趁

青春筋力健一鞭雀躍追鴻濛憐深不教歷無阜絡頭青
絲容易老

行雨謠

昨冬今春僕僕道途兩訪林屋匪覲珍藏之所也
或者噓氣爲雲河潤百里乎鬱枯失望拂衣五湖
行至維揚而友人報書始知別沛甘霖獨靳鮒轍
謂有數存焉噫此非數也情之異也我歌且謠嘿
而息乎爰成斯篇以覆好友

噫吁嘻難哉望公雨公不雨無如公何逝將去汝汝有諸

父汝諸兄頭無尺木騰滄瀛萍蹄自守不能活濡濕响沫
鱗鬣脫一朝報汝乘風雲唵喁相向甦枯鱗亦有甦越羅
子春陵水羅水連婚姻越山絕水訪林屋林屋藏珍千萬
斛如意三品不可得慳吝如公姑勿責洞庭三萬六千頃
何爲不能分一滴答言有命封江湖不敢違放私其徒吁
嗟乎公不雨歸與歸與念公回首時東望膚寸雲合迷青
嶂聞道沛澤沾比隣誤女先行羅子春枉拋燒燕與美玉
却怨杰公語欺人吁嗟子春未算誤公不雨時卽他去公
有父兄公不雨蛭蟻戲狎公門戶公無渡河公莫舞門戶
無人誰守禦公平公平蛟螭雜類終非門戶才仗汝一鱗
恣天矯怕有金翅乘虛來

傀儡山

庚子

此爲龍南桂嶠譚公垣詠也公治鳳山以政最徵
行至延平而山賊黃教叛陳宗寶應之大府檄公
回辦賊番民懼迎公泠泠者番社之女渠也當筵
承命率衆破賊宗寶死而黃教亦就誅夷事平八
覲予於座主朱振岩師席得識公越十餘年嗣君
鑑溪與予同令滇以講道相得因賦此章遙獻於

公云爾庚子冬至朔旦

傀儡山孤峙蓬萊方丈瀛洲間扶桑一片紅雲起下搭赤

嵌城頭血殷紫大荒幽谷跳黃腰謂黃南飛妖雉陳寶號

謂陳宗寶離督鞠陵風怒發吹揚兵氣起倉卒折丹神人苦嗟

吁調和氣候需鴻儒大雅舊人阿誰在解憂東國譚大夫

是時大夫朝天躡飛舄正渡延津龍劔擲大府星符檄公

回乘風九道錦帆開海童馬銜前道路長波濼無纖埃

頃刻已踰數萬里鷗班前指東寧是臺灣本日東寧十八番社拍

手迎復見神君動懽聲番童喜公來騎竹聯衣裙番女喜

公來笑出綠珊瑚甲螺喜公來牛車載薪芻甲螺頭也貓塔

喜公來交手擎雞魚貓塔壯也馬芝喜公來百戲充路隅馬芝

遴番善歌舞傀儡山前炎熱極遺種本是靖人國蓬首突鬢小

身材繡額鏤膚三虎力傀儡山極熱人小而強本靖人遺種誰道泠泠一女

郎中坐感激氣軒昂海外東經雨師妾相思寨裏雲鞞孃

耳綴金蛇雙電掣裙拖蝶綃驟驟雪入山縛賊獻筵前如

擒黠鼠出深穴東寧平翦長鯨雙旌搖搖上玉京西京優

游多宴喜憶謁吾師子朱子因於中座得識公幸附暉躔

揚先紀十年後到南荒中又喜同官遇阿戎阿戎清言本

自竒道戰肥勝吾之師論德兼逢陳邱子謂陳通海宣布樂職
 中和詩匡廬先生閑故里竒功妙道付君子一劔昔削傀
 儻山一口今吸西江水

九烈歌

勝國之季京都破宛平查氏貞婦周夫人率叔姒
 張及三女暨黃氏姑黃女甥廉姬廉姬九人就縊
 已而少女廉姬蘇姬出為尼女嫁以節沒後死不
 同而其烈同故稱九烈常慨爾時士大夫都聲望
 者甚多賊悉朝之令著故籍毋敢違今閱明史解

學龍傳所載六等定罪者數百人強半知名士其
 時查氏無官而門義若此積義者後昌宜餘蔭之
 遠也夫人今篆仙使君高祖母使君守武定屬吏
 得讀查氏一門烈女編因跋其後而為之歌

崇正十七年三月十七日賊攻京師太僕寺街周貞婦率
 娣女八人死之是時三百六十官綬若若兮印纍纍天子
 手鐘不肯前妖賊腦箍不肯死狗難寥寥范吳外六等罪
 名書滿紙嗚呼京師首善地首善書院談名理不痛不癢
 事虛言臨危那見竒男子二百餘年大邦畿有婦人焉九

而已愛詞賦讀道書九烈君本神仙徒英光滿紙充京都
儼然巾幗中眉鬚豈假性理質簪裙九人投縵二人蘇蘇
者後死終不踰於法例得牽連書書其徇國之大節查氏
一門曰九烈

胡牀灘

在萬縣名湖塘灘為其江面如潮也又謂其石梁如胡牀因名胡牀呼為胡牀灘有石梁

呼為烏鯨尾子梁其水漲梁沒船遇而碎越日水落梁高數丈

大胡牀小胡牀水怪偷移置石梁梁上一掉烏鯨尾湧起
充濤千尺強是時六月二十二天清霧斂雨初霽早起傳
籤呼放船十四禿鯨去鬣扇忽然鯨起厄一鯨頭脫腹潰

皮飛浮羣鯨相顧救不得主人掩袂淚長流詰朝水落梁
石出梁背大拘如堂密銅包纍纍聚其中篋頭挺起秧針
茁搬運淘洗堆盈山烈日炊石隨熬煎賴得饞鯨吞不盡
敢辭辛苦疲形顏四川險灘原無數報部只許十七處官
音背鑽竈子烏龜峩鬼黑石猪馬領羣猪巉碑蜚尾稱名
怪誕更奇醜經過僥倖脫其死謂大胡牀名尚佳可以穩
據無危侈哀哉大胡牀爾猶如此何況此下有磁莊力能
吸鐵吞舟航瞿塘灩澦小黑石石版龍寶黃金藏魚矐子
險猶未盡更兼八楚愁黃桑噫吁嘻乎危哉蜀道之難難

似上青天蜀江之險險在入重淵青天不上猶可止重淵
一八杳無底性命縱可輕官守更難委不入重淵不能下
祇得向前拋生死未諳前路更何如因對胡牀悲不已曾
聞山海經說鱓見有兵 盛世藏妖不敢見却化爲梁鼓
澎湃如何五丁蜀力士但開陸道不疏水水怪作梗道尤
難不拔鱓尾拔蛇尾嗚呼安得壯士提天綱再平水土掀
胡牀

磁莊灘

灘在雲陽縣下數十
里壞船時正七夕也

今年七夕遭坎軻孽鱗湧波妖風簸天上銀河鵲橋頽人

間磁莊鯁船破嬉戲憶隨阿母遨自小愿慙不偷桃如何
謫落離仙籍寄命鯁窟難解嘲吾不能驅石上天補橋之
斷缺又不能仗劍入水斬負船之妖蠶抑鬱佗僚守俸愚
固宜江神侮弄爭磨滅人生幾得佳晨夕而我虛度生嗟
吁日可晒而腹無書宵可乞而長如愚不及人間小兒女
嬉樂嗟嗟戚戚守江隅粗編蕞茅插險遶大龍角與小龍
角熱沙蝕膚蟻射影如遭榜掠呼高譽瓊茅搜索靈氛來
託僚江神去告哀反被江神增嘲諷命中不是汝家財吁
嗟我何財可道使命賴汝神靈保如何誤認作私貨瓊弁

玉纓頻索討水摸子說鎮江王渠為家將尤跳梁黨類千
 萬誰究詰日伺灘頭沒舟航望見舡沒齊拍手官物不復
 為官有饞蛟毒鱷恣飽吞總倚神為逋逃藪賽神日日屠
 牲牢笙歌樂舞忙巫臯長江上下三千里紫雲臺額題崑
 堯我告香案吏到此沿路刳牲勤賽爾何嘗一念部使星
 長是怙惜水摸子程限已踰不敢停家將前報官已行鳧
 翻鯔躍爭入水連連抱出堅鑑旬家將飽肥增氣勢星官
 顛額神酣醉吁嗟乎蜀江到處盡是鐵圍獄刀山劒樹隨
 所觸磁莊沸如湯鑊酷煮盡人鬼冤血肉棄置莫重陳說

來愁煞人

黃桑洞

在東湖縣上四十里洞據江壁高數十丈水漲吸吞入洞八月初七舟入洞半忽退出沉

於洞下

黃桑洞通玉泉山洞門深黑澄灣環古記稱闕將軍下木
 役使千靈萬怪從洞向山搬瓌材巨幹埤壘進並筏聯槎
 走充物止有黃桑不肯前畱在洞口標神儁運木為寺聊
 安禪夫子超脫飛青天老桑不得相隨去杖屨盤魄眠雲
 烟濤齧沙蝕化為石枝格稜角生劒戟江間水落仰望時
 飛天野又怒抉磔天二八月疏天河河水下注江增波七

日遞長數十丈湧進洞門如別沱白石生正苦病魔汎汎
星槎洞門過仰臥忽訝天昏黑船身入洞餘無多俄遭憤
水向外吐退出吾船觸壁塢船尾忽齧船頭沉堅臥艙裏
如聾瘖長痛何如短痛好甘隨魚鼈葬江心侍者倉皇拖
曳出泅岍倖免神魂慄旋指病眼淚未乾忽驚後船來滾
橘死生頃刻命須臾到此豈復顧微軀幸畱殘喘思轉敗
彌月癡待守桑株蓀壁紫壇聊築起辛夷楣就葯房理獨
處幽篁不見天山鬼夜號驚怛耳慕予窈窕來阿誰公然
乘豹從文狸木客弄態工恫喝狂語作禮長相欺是諸么

麼者吾亦無責矣陳憍如木佛弟子馮維夷亦水仙侶應
見芝焚宜蕙嘆那忍推波更助瀾胡爲不顧同氣類笑汝
何處施形顏九月風霜侵客鬢羈旅敝裘無處問失路零
落孰憐任作論慷慨長思峻峻公本是長桑君長桑仙術
能活人天菑人阨累不了感激我公憐窮鳥浩蕩放歌悲
黃桑爾不隨帝女於窅茫又不到玉泉爲夫子卓童童之
車蓋長臥洞口阮舟航蕩洗老生數十年之心血比於投
圃尤酷烈敬告夫子提青龍劈碎根株千萬節

坐船沉詩
文藁盡失

大河風

衝風忽起增橫波
鱗鱗大觚高岢峩
沙開溜順瞥眼過
如騎天駟超天河
河水清淺天雞叫
萬點白榆斂光耀
天門誅蕩開鏗鎬
元雲擁簇歸瑤京
天上仙人多舊侶
見我干役羣相驚
家家爭延薊子訓
人人招致王方平
清歌妙舞洗俗艷
高談雅集蒐元精
久落塵凡苦瘦削
塌來戀戀天上樂
天花爛漫開四時
不似人間有榮落
天酒元氣斟淋漓
不似人間有美惡
天路坦坦何寬平
不似人間有邱壑
大人淳古遊太初
不似人間有輕薄
計較人生與天生
却

悔從前總是錯
註籍本是大羅天
那解一跌落人間
山阿煮石嚼礬
犖牙殘齒缺年復年
吁嗟人生解意表
大河風起迴棹早
百年風景一電光
幾時等得身事了

送吉雲峰刺史赴安南軍

吉孔修曲沃人

安南千載陷蠻中
羣蠻今日自相攻
阮蒼仙圖還虛幻
黎侯瑣尾歌蒙戎
我師大舉張撻伐
東西兩路芟榛叢
大將出關建旗鼓
羽書馳塞招英雄
君是恢奇吉雲子
轉身卽字吉雲峯
泰階六符陳玉陛
出守一麾牧熒僮
武侯祠下臥八載
窮餓靈感兵書通
人以解章爲寄客
忽然仗劍從

上公腰中新插大羽箭櫪下猶存老青驄東市買鞍西市
轡南窻展甲北窻縫屏當資斧窮晝夜帶攜伴伙問渠儂
濃眉大鬚丹粉面戰裙戎袴柘枝弓親批綱鑑裝滿匣指
揮背負隨奚童飛身輕捷卽上馬舉手揖別去如龍昔作
歲星藏酒肆今隨太白揚兵鋒道旁兒女齊拍手爭看使
君修軍容我似老張善無膾先餞老吉奏膚功一篇大雅
今不記却說安南古有邦雒田浮起雒將健女艷煽處女
妖訶君不見尉佗男截安陽弩眉株窮愛隨朦朧安陽無
道臯通去一敗入海浮溟濛又不見漢將南征馬伏波仰

視站鳶氣熊熊徵側徵貳雙姊妹金谿窟裏跽妖踪探索
三年縛之出劔花染茜塗柱銅又不見吾家龍驤檀和之
陳兵日南謀僉同刻獅駮象盡返走大破林邑功尤崇此
事在君鑑匣內兵書鑑略原交融下馬看書上馬戰卓犖
良有古人風孫子行軍五間法施於蠻越計彌工山川阻
深黨蟠結難以兵力掃而空多有中國人在彼可以因間
散屯蜂伐謀伐交爲上策以蠻攻蠻成駿龐召募土司獵
其北別由海道震其東恢復漢唐舊疆域千載一日好遭
逢君去激昂參帷幄高談經濟聲洪鐘數百州縣十七府

收復盡歸版圖洪歸來尙能具鼈鯉與君燕喜書勲庸

題陘山髯樵圖

彭樾字芝林客滇自號陘山髯樵楊
峴亭爲作圖而先生傳之又且題此

詩

滇山頑而老被蔡莽蒙龍擁滇後尊者來唯之從陘碧雞
叫其西金馬騁於東西雞大昂然小雞竦侍恭鬪金馬不
勝垂頭羞矇矓忿滴毒莫發啄害到九峻部婁盡崩墜幾
欲及樊桐何況邇易泄誰復顧從陘陘山名本古其音爲
胡工厥內足寶藏漢書言出銅瑞氣湧滄淳抑鬱未能衝
祇因雞馬逼苦被層雲封埋沒千百載何能問昭融山骨

老朽爛遠望失鬱葱萬丈枯蚌壳黯黹堆長空山主不識
字讀爲偏旁蒙那解胡工切直呼爲蛇峰蛇名誰肯托唾
弃遍兒童山靈惟暗泣牛馬呼亦從老髯駕雲至樵斧震
鴻濛斫其枿與椿披其灌與叢蛇跖紋剝盡嬌獻美人虹
出山真面目總由樵斧功裂開古銅穴寶氣何能熊真洞
天福地那無主人翁卽以樵髯主陘山光麗穠從此名大
起樵斧推魁雄山山爭招致不苦樵道窮好事寫爲圖非
非奇想通以屬白石生揮詞破盲聾生騎箕尾遊仍墮傳
巖籬五年胥靡役操作無顏容幽篁不見日黑入太陰重

忽披髯此卷烏蟾明雙瞳滇徼無洞天差有福地崇傳在
古姚州魚澄洞中洪始皇先生隱依稀畱遺踪髯啟陟山
治比洞天麗鴻天地宮府圖滇今得兩宮以補紫微缺庶
不偏嗇豐且以抗始皇詎折老彭躬我居聖人窟煮石活
饑儂柴少石不爛強狼嚼錚鏘迸脫牙齒磳錯割喉嚨
終日齧岩犖撐腸拄心胸欲從髯樵住丐薪鼓吹筒薪多
火候足日進芝芋供身輕隨上下縛解任橫縱却笑碧雞
老終古死樊籠

